

ita è regione Orthodoxis, piisque omnibus gloriae, praesidio, exemplo, ac demum robori lux ejus quam maxime splendet. Sed quanto ardore, ac studio Apostolico muneri adducendae in Ecclesiam Gentilium propemodum infinitae Indorum multitudinis Missionarii Viri accingentur, si communem ducem, ac Parentem inter Coelites recenseri videant, quantaque fruge, de his quae ipse primum inter lacrymas quondam seminaverat, onusti, veluti a longe Neophytis circumdati venientes, per ea quae lustravit itinera, quantoque gaudio revertentur, ut explicare non possumus, ita omnino futurum non ambigimus. Pia itaque vota populorum, omniumque ordinum desideria in id contendunt, ut dies tandem auspiciatissima, quae Christianae Reipublicae bono a supremae Sedis judicio splendorem accipiet, illucescat: id optant, expectant, efflagitant. Annue igitur BEATISSIME PATER, populorum, quorum profectui pertransiit *Ven. Antonius* benefaciendo, studiis. Tuis provolutum pedibus Ecclesiae Guadalaxarensis Capitulum orat, obsecratque humiliter: annue votis nostris, eo certe ferventioribus, quod penitus cum maximam in conficiendis processibus partem habuerimus, eximii viri virtutes, merita, signaque noverimus: Apostolicaque benignitate benedictionis gratiam elargire. Guadalaxarae in nova Gallecia postridie Non. Januarij anno Domini MDCCXC. BEATITUDINIS VESTRAE.

Humillimi, ac Devotissimi Servi.

Salvator Rocha Decanus.

Emmanuel Fuente Canonicus.

Josephus a Lava Portionarius.

Franciscus Morales Semiportionarius.

EPISTOLA XI.

*Reverendissimi Capituli Cathedralis
Ecclesiae Durangensis.*

BEATISSIME PATER.

CONSTANS illa, atque perpetua Religiosissimi Viri, ac memoratu dignissimi Servi Dei *P. Fr. Antonii Margilii a Sancto nomine Jesu*, Ordinis Beati Francisci praeclara fama Virtutis, ac Sanctitatis cunctis notissima in Indiis Occidentalibus nostrum quondam, seu verius Vestrum Capitulum Durangense PATER OPTIME, una cum aliis Americae nostrae septentrionalis ordinibus Ecclesiasticis exarsit, impulitque, ut a Vestra Sancta Sede Causam ipsius Beatificationis humiliter postularet, eo felicissimo eventu, ut votis nostris annueret SANCTITAS VESTRA.

Felicem hunc diem beatificationis (quo nullus certe jucundior Americanis fuit unquam aut esse poterit) patienter expectaremus, donec tandem aliquando DEO OPT. MAX. afflante, nec non SANCTITATE VESTRA, gravissimis semper curis, ac negotiis occupata, potente, volenteque, optata illa lux mortalibus illucesceret; nisi nos ex una parte diu, noctuque urgeret amor in Virum hunc de Christiana Americana Republica optime meritum, illudque nobis ex alia continuo instaret, non tam a Joanne Christi discipulo dictum, quam a VESTRA SANCTITATE in Causa nostra, nimirum, *petite, et accipietis, quaerite, et invenietis, pulsate, et aperietur vobis.*

D.

§. 25.
Indordm quisque V.
Antonii Cultum cer-
tatum avet.

Ecquis enim aequo, immotoque animo ferat, OPTIME PATER, piorum virorum, fideliumque utriusque sexus nobilium, et ignobilium, diurnos clamores audire pro Benefactoris Causa prosequenda, atque finienda: immo etiam oppidula Americana, templa, suggesta, Religiosorum Hospitia, aliaque huiusmodi loca istius Viri Religiosi, doctrina quidem eximii, atque pietate conspicui, sudoribus irrigata, illud ipsum exigentia: quin ad pedes Sanctae Sedis provolutus Causae huius prosecutionem, et optatam conclusionem impetret, oret, efflagitet?

His ergo fidelium omnium Americanorum votis, ut annuas OPT. PATER, donec tandem Sanctorum fastis adscriptus Vir hic eximius laborum suorum in terris proemium accipiat cultu illo debito Sanctis in Coelorum cum Deo regnantibus, flexis poplitibus orat Capitulum Durangense, immo quod singulis ejus membris infra expresse nominandis Apostolicam Benedictionem benignissime impartiaris. Datum in Aula nostra Capitulari, nostris manibus, atque sigillo subscriptum, et Secretarii fide roboratum, die vigesima prima mensis Octobris anni Domini millesimi, septingentesimi, octogesimi noni.

BEATISSIME PATER.

Loco * Sigilli.

Antonius Sanchez Manzanera.

Raymundus a Sotomajor.

Josephus Joachimus a Valdesio.

Petrus Gamez.

Bartholomaeus Antiveros.

Josephus Martinus Flores.

Franciscus Xaverius Paez, et Gusman Secretarius.

EPISTOLA XII.

Reverendissimi Capituli Cathedralis
Ecclesiae Comajaquensis.

SANCTISSIME PATER.

Cum jam pridem, per annorum videlicet quindocim spatium, autoritate Sedis Romanae tractaverit Curia Metropolitana Guathemalensis super Virtutibus, et spiritualibus charismatibus, super miraculisque in specie V. F. Antonii Margil a Jesu, Ordinis Minorum, Regularis observantiae Missionarii Apostolici; Vidimus sanè similem Causam (Deo auspice) poenitus conclusam, non modo Guatimalae, verum etiam Mexici, Guadalaxarae, et Zacatecae, quibus in partibus praefatus Servus Dei mirabiliter floruit, tum missionando inter Fideles; tum etiam per aspera montium inter infideles disseminando Evangelium. Quapropter Capitulum Dioecesis Comajaquensis ad SANCTITATIS VESTRAE pedes submisit provolutum humiles, supplicesque effundit preces; ut quae ad Beatificationis Causam ipsius attinent, feliciter pertractentur, quaeque de more peragenda sunt, peragantur quam citissime. Haec enim, Te decernente, et sanctimoniae studium, et aemulationem, et erga Romanam Sedem reverentiam, Deique cultum apud omnes gentes augebunt. Nos vero assiduis precibus Divinam exoramus Clementiam, ut Beatitudinem Vestram incolumem, Apostolicamque Sedem sartam tectam conser-

§. 26.
V. S. D. ad Aras pro-
motio quanti futura
sit evolumentis.

EPISTOLA XII.

vet ad Omnipotentis Dei gloriam, et Christiani nominis fulcimentum. Datis Comajaguae undecimo Kalendarum Novembris anno Domini MDCCLXXXVII.

SANCTISSIME PATER.

Sanctitatis Vestrae lunato poplite submissee deosculantur pedes.



Josephus Linus de Milla Decanus.

Antonius Josephus Arriaga Archidiaconus.

Augustinus de Medina, et Valderas Cantor.

Josephus Benedictus de Casseres et Gusman The-saurarius.

D. Marianus Aguado, et Olivares Canonicus Doctoralis.



EPISTOLA XIII.

Alia Reverendissimi Capituli Cathedralis Ecclesiae Comajaguensis ad S. R. C.

EMINENTISSIMI DOMINI.

Quoniam summa ratio est, quae pro Religione facit, et coeteroquin quilibet e populo, pro sua quisque parte, possit in iudicio Beatificationis Justorum, et Beatorum Canonizationis jure quidem optimo experiri, si non agendo principaliter, hujusmodi saltem causas agitando: idcirco alma haec Ecclesia Comajaguensis in Indiis Occidentalibus secum ipsa reputans quantum ad Dei gloriam, et Religionis augmentum, quantum ad fidelium aedificationem expediet Beatificatio, insuper et Canonizatio Venerabilis Dei Servi Fr. Antonii de Margil a Jesu, Viri undique maximi, et (ut ita dicam) Apostoli hujusce Americae Septentrionalis, amplissimam cujus Sphaeram pedibus suis speciosis, Solis adinstar Evangelici perlustravit, hanc se Sacram Rituum Congregationem adendum putavit, enixe deprecans, ut perutili huic negotio quantocius poterit supremam manum feliciter tandem apponat. Datis in Aula Capitulari Comajaguensi XIII. Kalendas Augusti MDCCLXXXIX.

Antonius Josephus Arriaga Archidiaconus

Augustinus de Medina, et Valdera Cantor.

Josephus Benedictus de Casseres et Gusman Scholasticus.

§. 27.
Ob praecleara facinora
Apostoli cognomen
obtinuit.

30
EPISTOLA XIV.

Rm̄i Capituli Cathedralis Ecclesiae
Chiapensis Sede vacante.

BEATISSIME PATER.

Illustrior enim illa de Te opinio ex beneficentia, et prudentia tua, praeclarisque factis ubique diffusa, jam tanto crevit amplius, quanto mirabilis illa tuorum comitiorum eventus rebus humanis omnibus antecedit. Eaque omnia nos in Te PIE Clemens Maxime intuemur ingentem rerum optime gerendarum potestatem, cognitionem, et voluntatem, quae veluti disjuncte parum, aut nihil promovent, sic comexè in Sanctitate Tua, universum terrarum orbem ad aeternorum operum spem, haud immerito erexerunt. Cum igitur Te cognitas antea atque usitatas virtutes lapsu temporis jam cognoveris, patrataque miracula R. P. F. Antonii Margil Fundatoris Collegii de Christo Crucifixo in Civitate Guatimalensi erecti, quae tam facile nullus decantare possit, non solum complecti orando, sed percensere numerando: idcirco humiliter postulat a Te Capitulum Cathedrale Sede vacante Civitatis Regalis Chiapensis, fidens hoc litterarum genus amplexurum Te benignius, ut digneris hunc admirabilem virum, si ita expediat, inter Beatos declarare: quod si ita evenerit, PATER BEATISSIME, prout tota Provincia desiderat, integra; absolutaque felicitas erit: id unum a Deo Optimo maximo Capitulum

§. 28.
Pontificis Opt. Regnantis Virtutes summam recitantur.

§. 29.
V.S.D. sanctitas omni laude major.

EPISTOLA XIV.

31

deprecatur, ut per longam Te annorum seriem servet incolumem. Idibus Julii anno Domini MDCCLXXXIX.

SANCTISSIME PATER

Antonius Fuentes Decanus.

Franciscus Vincentius a Corro Archidiaconus.

Michael Antonius ab Echarri Cantor.



EPISTOLA XV.

*Alia Reverendissimi Capituli Cathedralis
Ecclesiae Chiapensis ad S. R. C.*

EMINENTISSIMI DOMINI.

SI aliquando haec alma Ecclesia in Indiis fundata occidentalibus silere non patitur, nec in utramque aurem dormire, quin expergiscant eam Vestra in nos promerita universa, maxime nunc est, quando promovetur gloria Dei, Religionisque cultus; ea propter cum beatificatio, pariterque canonizatio Venerabilis Dei Servi Fratris *Antonii Margil a Jesu*, Fundatoris Collegii, vulgo de Christo Crucifixo, in Civitate Guatemalensi positi hoc tempore praecipue tractetur, nihil est, quod magis habeat in animo, quam admirabiles de hoc Apostolico Viro Virtutes ad memoriam revocare. Quamobrem humillime orat ab Eminentissimis Vestris, totus, quotus est omnium nostrum indefesse affectus, ut huic valde utili negotio, Sacra Rituum Congregatio felicem imponat finem.

Datis in Capitulari Aula nostra Civitatis Regalis Chiapensis, Kalendis Septembris, Anno Incarnationis Domini millesimo septingentesimo octogesimo nono.

Emi Domini.

Antonius Fuentes Godinez Decanus.

Franciscus Vincentius de Corro Archidiaconus.

Michael Antonius ab Echarri Cantor.

EPI-

EPISTOLA XVI.

*Reverendissimi Cleri Secularis
Urbis Zacatecanae.*

BEATISSIME PATER.

CLeris Saecularis Urbis SS^{mae} Virginis Mariae Dominae de los Zacatecas, in America Septentrionali, Dioecesis Guadalaxarensis, pedibus SANCTITATIS VESTRAE submissus, preces humillimas, verum enixas fundere haud immerito non diffitetur. Cum igitur sciamus, BEATISSIME PATER, per multos omnium Ordinum Viros hujusce Americae a BEATITUDINE VESTRA expetere, ut Ven. Servum Dei P. Fr. *Antonium Margil a Jesu*, olim Apostolici Collegii de Propaganda Fide hujus Urbis eximium Institutorem, Beatorum Catalogo ascribat, nolumus sane, imò nec debemus omittere, quin humillimis precibus id ipsum ab Apostolica Vestra providentia postulemus. Hoc enim flagitat series rerum praeclare a SANCTITATE VESTRA gestarum, ut qui nuper ex veteris Orbis plagis a Deo Militantis Ecclesiae constitutus optimus Administer dignos pro tali mercede reddenda Operarios vocavit, hunc quoque ex Novi, ultimisque finibus terrae adjungat, si fas est dicere, maximum Operarium, qui plurimos peccatores ad meliorem frugem reddendo, Nomenque Sacrosanctum Jesu coram gentibus, et filiis Israel portando, zelo fidei, fervoreque charitatis pondus diei, et aestus portavit, ut

E

§. 30.
Apostolica gesta V.
Antonio Cultum jure
vindican.

hominēs utriusque Orbis habeant, quod imitentur: Postulant etiā ipsiusmet Venerabilis Patris merita, atque miracula, quae pondere, et numero ita maxima sunt, ac illustrissima, ut illud jure merito usurpare valeat Apōstoli: *Ministri Christi sunt (ut minus sapiens dico) plus ego: in laboribus plurimis . . . in itineribus saepe, periculis fluminum, periculis latronum . . . periculis ex gentibus, periculis in Civitate, periculis in solitudine . . . in labore, et aerumna, in vigiliis multis, in fame, et siti, in jeuniis multis, in frigore, et nuditate, praeter illa, quae extrinsecus sunt, instantia mea, quotidiana sollicitudo omnium Ecclesiarum.* Exorat denique haec universa Zacatecarum Provincia, maxime vero haec perillustis Civitas, quae tanti Viri nobilitata virtutibus, atque in amoribus habita, magnam in ejus precibus spem merito collocabit. Vestram ergo Clementiam quaesumus, **BEATISSIME PATER**, ac enixe rogamus, ne hanc lucernam igne divino accensam, adhuc sub modio relinquat, sed super candelabrum ponat, ut omnibus in domo luceat. Vestram exoramus Pietatem, ne nos, et omnes Populos hos, ipsum optantes in Altaribus venerari, diutius esurire permittas, sed sanctum nomen ejus annuncia toti Ecclesiae, qui Nomen Dei Sanctum usque ad extremum terrae per regiones vastissimas annunciavit. Haec sunt vota omnium istius Civitatis incolarum, imō atque totius Americae, qui **BEATITUDINI VESTRAE** diu, ac feliciter Christianis omnibus praeesse, ac prodesse totis animi viribus exoptant. Praefata Civitate Zacatecana III. Idus Decembris anno a Virgineo Partu MDCCLXXXIX.

BEATISSIME PATER.

§. 31.
Qui Deum glorificavit, a Deo glorificatum declarari Populi vehementer exoptant.

Josephus Antonius de Bugarin Parochus, et Ecclesiasticus Judex.
Hyacinthus Martinez Sacrista Major.
Joseph Emmanuel a Sylva Rector Seminarii.
Joseph Joachim a Joaristi Coadjutor Parochi.
Ildelphonsus Alexander Martinez et Brihuega.
B. Gregorius Lazarus de Zumald.
Josephus Maria Martinez et Sotomajor S. Inquisitionis Notarius Expurg.
Joannes Josephus ab Aristu.
B. Josephus Honuphrius a Concha.
Petrus Joachin Aguilera.
Ignatius de la Campa.
B. Joannes Josephus Caldera.
B. Petrus a Parga Ulloa.
B. Josephus Joachim a Trejo.
B. Franciscus a Garces.
B. Dominicus a Cabal.
Licentiatus Petrus Josephus Sanchez Meza Reg. S. Aloysii Gonzagae Collegii semel et iterum Philosophiae Praeceptor.
Nicolaus Florentius Serrano.
Franciscus a Rodriguez Latinitatis Moderator.
Joseph Franciscus Sanchez Vasquez.
Joannes de Estrada.
Ildelphonsus Dominicus Ortiz.
B. Emanuel de Piedras, et Alvarez.
B. Joseph Marianus Stephanus a Bezanilla, M. et Campa Sac. Inquisitionis Commissarius Sac. Th. Professor, ac Seminarii Reg. S. Aloysii Gonzagae Professor, ac Seminarii Reg. S. Aloysii Gonzagae Rector.

EPISTOLA XVII.

Rm̄i Capituli Collegiatae SS. Jo. Baptistae ;
et Evangelistae Civitatis Valentinae,

SANCTISSIMO PATRI

P I O S E X T O

S. 32.
Indi V.S.D. tamquam
Apostolum reveren-
sur.

Cum bono Virtutum odori, quas antequam ad novum Mundum migraret, nobis reliquit V. P. Antonius Margil, quique perdurat adhuc in hac Parochiali Ecclesia Sanctorum Joannis Baptistae, et Evangelistae, ubi per Baptismum renatus fuit, accrescat in dies haeroidicarum fama virtutum, quas ministerio Apostolico cum Indis Occidentalibus exercuit, qui illum tanquam novum Americae Apostolum, et taumaturgum miraculorum praedicant, vociferanturque, quibus Deum illius Vitae Sanctitatem approbare videtur, visum est hujus Parochialis Ecclesiae Capitulo, a Te, in cujus manu est Sanctuarii statera, cujus est in Orbe Terrarum appendere Christianorum merita ad justam eorum estimationem, enixe petere, ut examinari jubeas ejusdem Virtutes Christianas, factaque mirabilia naturae vires superantia, ut illa Te comprobante, Venerabili Viro publicus cultus tribuatur; Omnipotenti Deo merita laudis contribuantur; SANCTITATI TUAE, cui a Domino haec gloria reservata videtur, gratias immortales Christiani omnes agamus, et praecipue Capitulum hujus Parochialis Ecclesiae, quae de tanto fi-

lio gloriatur, in quo Spiritum Domini requievisse videtur. Cui beneficio Apostolicam Tuam benedictionem adjungas, quam submissis animis expectamus, SANCTITATI TUAE prospera omnia a Deo Opt. Maximo humilliter petentes. Valentinae Edetanorum in Aula Capitulari Parochialis Ecclesiae Sanctorum Joannis Baptistae, et Evang. iv. Kalendas Februarii Anni a Christo nato MDCCLXXXI.

SANCTITATIS TUAE pedes osculamur.

Doctor Theologus Joannes Lorente Pro-Rector.

Doctor Josephus Perez Cordovez Syndacus.

Doctor Christophorus Scasso, et Oller Rationalis.

Doctor Theologus Paschasius Cubel Presbyter,
et ejusdem Ecclesiae Archivarius Major.